

Si subsidio di vakantie di 8.3% wordo aproba

Awe directiva di hospital y sindicato ABV ta firma Cao nobo

ORANJESTAD – Despues di casi seis luna di negociacion y casi tres luna cu e **Contrato Colectivo (Cao)** a caduca, awe directiva di **Dr. Horacio Oduber Hospital** y sindicato di trahadonan di enfermeria, esta **ABV** ta cla pa firma un **Cao nobo** pa un termino di un año.

Ayera den oranan di merdia presidente di **ABV** sra. **Gina Maduro** a confirma na **Bon Dia Aruba** cu si tur cos ta bay bon, awe den oranan di merdia ta wordo firma e **Cao nobo**.

Subsidio di vakantie

Despues di un proceso di negociacion intensivo un punto so ta falta di e peticion cu e trahadonan a haci. Ayera tardi nan tabata wardando pa yega na un acuerdo riba e punto aki cu tin di haber cu e subsidio di vakantie. **Maduro** a splica na **Bon Dia Aruba** cu actualmente ta 8% y e trahadonan kier pa hise te 8.3%. Pero e ta haya cu esaki no lo bira niun problema pa awe nan lo por firma e **Cao**.

Nan ta desea cu e subsidio di vakantie di e trahadonan di hospital lo wordo iguala mescos cu e ambtenaar y

mescos cu mayoria di hendenan di sector publico.

“Esey so mi ta warda anto e protocol lo keda completamente cla”, el a bisa. Sindicalista **Maduro** tabata masha optimista y el a bisa ayera cu e ta cla pa awe firma e **Cao nobo**.

Un stap

Encuanto e beneficiacion di e **Cao nobo** aki, sindicalista **Maduro** ta mire manera un stap pa nos a bay dilanti”. Aunke e ta considera chikito ainda e ta kere cu poco poco nan ta bayendo riba un bon caminda. E ta mira cu pafo un proceso grandi ta tumando luga entre nan, riba organisacion di empresa di utilidad, esta **Elmar** y **Web**, y trahadonan publico buscando nan derecho. P’esey e no ta descarta cu e trahadonan di **ABV** por gosa di cierto beneficiacion di nan.

“Pero poco, poco pero sigur **ABV** ta canando y hospital ta yegando cerca...”, el a bisa.

Encuanto e prome **Cao** di e trahadonan di **Imsan**, sindicalista **Maduro** a anuncia cu dia 30 di september nan ta bay continua cu e negociacion, “nos ta ocupa cu



esey”. E no por sigura cu e ambiente di e negociacion ta

bayendo positivo ya cu tin algun punto cu mester atende

debidamente cu nan y no ta algo facil. □